

四庫全書

史部

# 欽定四庫全書

史部

硃批諭旨卷九下

臣 永 瑆 恭 校

編 修 臣 裴 謙 覆 勘

總校官中書 臣朱 鈐

校對官庶吉士 臣張九 鐔

謄錄舉人 臣楊 鸞

欽定四庫全書

硃批諭旨卷九下

硃批楊文乾奏摺

雍正五年八月二十八日廣東巡撫臣楊文乾謹

奏為覆奏事竊臣蒙

皇恩准假赴京自四月十九日入覲

天顏至六月十五日

陞辭南行跪聆下與福建總督高其倬

聖諭臣於八月十二日抵閩即向福建督臣高其倬敬  
謹宣示高其倬免冠叩首云倉穀不能清查屬員  
不能整肅罪不容誅自此之後事事務期切實刻  
刻痛改寬懦若有一毫庇護屬員一事仍循舊習  
不待

皇上加誅即當自領斧鉞等語臣復再三勸伊加意整  
飭教誡屬員高其倬聞勸之下悔艾涕流聽其言  
詞實有急圖洗滌前非痛改積習務求實心効力

痛改

前非恐未必然朕去年諄諄教導伊十餘日尚不

能遵奉改革光景似覺甚難  
若不愧則非人矣  
之意且羞慚失色惶愧戰慄實覺無地自容所有  
至於知非改過在伊竟為難事  
臣宣示

上諭及高其倬回覆奏詞各緣由理合繕摺

奏覆謹

奏

覽

同日又

奏為奏

聞事竊臣奉

命前往閩省清查倉庫於八月十二日抵福州省城同

許容鄂彌達伊拉齊等商議先將省城府縣各倉

委員盤查其餘因撫臣印信已送前途候常賚到

日用印行文方有憑據今常賚於八月二十二日

已經到任矣臣在途次及到省十餘日確訪閩省

據所

奏

已被欺瞞矣

吏治虧空各實情皆因前督臣滿保於康熙六十

發端

所見即未見透徹閩省之虧空豈由於此

年征復臺灣各屬俱有公捐協助彼時滿保恐其

所助銀兩出於庫項原令設法補苴而不肖州縣藉此任意狼藉上司因有補項不便禁止是滿保

貪婪

縱放於前毛文銓徇庇於後雖高其俸到任以來稍知斂戢而此風究未盡除其征臺官兵需用米糧滿保將州縣倉穀動支碾米又雍正元二兩年滿保將閩省倉穀碾米運浙糶賣後俱發給穀價令州縣採買補倉因發價短少不敷採買是以將原價存庫以致延捱至今此米穀虧空之所由來

也臣等到閩之後據布政司冊報閩省內地八府  
一州額貯穀一百六十六萬九千餘石除開銷各  
項外應實存現穀八十八萬二千餘石虧空穀五  
十三萬四千餘石虧空之中有價者四十八萬三  
千餘石無價者五萬餘石除虧空之外其實存之  
數果否現貯難以遽信非徹底清查不能洞知底  
裏臣等查得八府之中其最緊要者惟福漳泉三  
府今福州府有臣等駐劄就近委盤其漳州府臣



等共擬委

所用得當

命往候補知府潘體豐署印盤查

欽差郎中臣鄂彌達前往督察泉州府共擬委

命往候補知府劉而位署印盤查

欽差員外郎臣伊拉齊前往督察至於新任建寧府知  
此人好

府莊令翼聞其建寧交盤已接交代倉穀現在設

甚好

料無大差

法買補臣看伊為人老實恐其因已接交盤難以  
破面即有委曲彌縫之弊共擬將莊令翼委往延

平府盤查其建寧府倉庫共擬另行委員盤查其餘府州擬於候補知府內委署若不敷委用即於酌補知府同知人員內暫為委署盤查至於督撫未叅之各州縣雖云倉庫無虧但恐將本年現徵錢糧那新掩舊亦未可定臣等細加斟酌必將各員交錯調換其調換各員即委

命往之員暫署盤查本身一離原地諸弊盡露若有虧

是極

空立即

題叅究追臣受

恩深重刻圖報効惟有實心實力徹底盤查務期上裕  
國儲下益民生以仰副

皇上委任之至意為此繕摺奏

聞伏乞

睿鑒謹

奏

料理頗好竭力為之須務言行相符為要

同日又

奏為奏請

聖裁事竊閩省州縣聞有奉

旨盤查之信即紛紛買補臣今查內地八府興化一府

即已

買足者亦當察其向日居官為人之優劣何如不

倉穀已將買足延建邵等府現在採買此三府素

然過

此之後復萌故智更加肆志矣凡此皆爾等之干

產米穀今歲年景尚好臣現在責令速買以實倉

係也

現今採買補足與原未虧空者不難查察何能購

儲至漳泉福等府素不產米入秋以來微覺缺雨

人耳

目耶

若尅期勒買恐一時市價高昂而倉穀究難買足

臣當仰遵

諭旨倘所存價銀足數採買并素日做官好者似應少寬期限俾其陸續買補若過限不補再行叅究惟是委員盤查一事其候補各員內或一時不能到齊或辦事未經熟練誠恐不敷所用臣與常賚商酌於原叅離任倉穀已補各員內選擇居官素好者委其盤查或於各州縣現任佐貳中有才識出衆者公同委查如果勤謹勝任另行具疏

題請補用是否可行伏乞

睿裁批示又閩省藩鹽二庫臣等應否一併盤查因未

奉

諭旨不敢擅專仰懇

聖諭以便遵行謹

奏

買足者與未買者原經虧空即屬一體豈可因其現在  
買足與否而分別之耶若如此不論居官之賢否止看

地方豐歉竟論造化而已爾此請旨大謬矣果皆一概  
秉公得當自然日後無事倘於中少有瞻顧徇情便今  
請旨准行他日脫有參差之處較未請旨更重也朕意  
無他將通省人員於此倉穀一案內查其好者概留劣  
者盡去此二句乃朕之本意要在爾等秉公論人辦理  
若請旨將事辦人則私端開矣朕亦難以詳悉指示總  
期通盤還朕一是字或能與不能關係爾一生榮辱要  
看爾之福量何如耳朕亦不得強之使然勉之勉之

朕今此諭仍係爾未出京之面諭也

同日又

奏為覆奏事竊臣面奉下與福建布政使沈廷正

諭旨臣於到閩之日即向沈廷正敬謹宣示沈廷正跪

聆之下惶悚感戴免冠叩首云沈廷正受

皇上如此

沈廷正陸辭時甚弱頗有病色今精神氣色已好否  
厚恩惟有敬遵

聖訓愈加殫竭心力以期仰報



天恩等語又臣欽遵面奉

諭旨抵閩之日即將福建鹽驛道陳豫朋辦理鹽務如何密問高其倬據云陳豫朋辦理鹽政以來雖尚無敗檢之處但一切辦理率多寬泛依違未能切實籌畫福建鹽政頭緒頗繁規模未定必得精密

明練之員整頓畫一方有裨益等語臣查高其倬

陳豫朋

朋不能勝此任高其倬亦經奏過但伊拉齊朕亦

既稱陳豫朋於鹽政未能切實籌畫應遵

不保其必能勝任說與高其倬常齎若因朕所擢用包  
聖諭俟臣盤查事竣之日宣

衣人員遂爾瞻徇則大誤矣今伊等留心試用  
旨將伊拉齊補授鹽驛道陳豫朋留為別處補用為此

繕摺覆

奏伏乞

睿鑒謹

奏

覽

雍正五年九月初九日廣東巡撫臣楊文乾謹

奏為恭奉

御批事本年九月初一日福建撫臣常賚齋到

御批常賚奏摺二件臣敬謹跪看所奉

硃批除廣東曲江縣礮洞地方堆有銅砂容臣於回粵之日委員密往勘明并煎試的確酌定作何開煽之法奏請

聖裁外其未叅疎防盜案臣回任時自當將未獲賊犯嚴催勒緝務期速獲已獲賊犯嚴催審解臣親審明白分別輕重有法所難寬者即遵例盡法處治

其原摺即交常賚齎回所有臣奉到

御批日期合先繕摺覆

奏伏乞

皇上睿鑒謹

奏

詳細斟酌據實摺奏應具題者即行具題

同日又

奏為據實密奏仰祈

睿鑒事竊臣在閩聞廣東廣南韶道林兆惠奉委採買  
木料六月間差役往從化山內辦取被盜擄去十  
二人拷打先放回四人令其寄信勒要規禮銀數  
百兩始准回贖又聞五月間有大盜數百人商謀  
行劫苦無器械遂至龍門營七子汎將器械鎗刀  
盡行搬搶往各鄉村恣意肆劫失案纍纍署督臣  
阿克敦並不具

題反勒令地方官止報十餘人又勒令審作兵丁睡

熟被賊偷械從寬批結又聞五月內高州府電白  
縣山內聚有盜賊千餘人白日沿鄉刦掠竟至一  
日之內連刦二十七家其練勇往追被賊捉入山  
內將一人割去兩耳令其寄信不許復追又聞有  
將軍標兵丁張萬良窩藏盜賊獲贓敗露署撫臣  
常賚咨提此兵將軍臣石禮哈不惟不肯革糧反  
令審作誣良常賚不敢執法懸案莫結以致省會  
之地盜風日熾常賚署內亦被盜偷去首飾木匣

衣箱連

御賜摺匣之鑰匙俱皆失去密向石禮哈借取鑰匙開鎖遂將此二事彼此隱匿不

奏目今百姓寢不安枕人人自危是以民間有孔督去阿婆來盜結黨民何賴之謠紛紛傳說由粵達閩臣聽聞之下不勝驚駭焦思謹繕摺密奏伏乞皇上勅諭督臣孔毓珣通飭文武勒定限期嚴加緝究則邊海要區獲享敕寧之福感沐

洪恩於靡既矣謹

奏

如此據實陳奏方是爾若身在廣東任所又未必肯如此直達也已有密諭交新任雷州府知府甘世琦前來面傳於爾爾其欽遵領悉

雍正五年十二月初一日廣東巡撫臣楊文乾等  
謹

奏為閩省盤查已竣謹合詞奏



聞仰祈

聖鑒事竊查福建通省九府一州應存監穀并官民捐積穀共一百八十一萬五千五十石零除軍需用去賑給災民等項又從前叅出虧空穀石及臺灣府除額徵正供粟米之外所存捐積穀石已經委員察盤外據布政使冊報內地八府一州共應存貯監積穀一百六十六萬五千一百九十九石零內未經買補穀六十二萬七千四百二十九石零

借碾兵米穀九萬三千四百六十五石零經督臣  
及署撫臣查叅虧空穀九千五百六十三石零實  
存穀九十三萬四千七百四十一石零今據委署  
各員盤查得實存數內又有虧空穀一百七十一  
石零徽變穀一十二萬七千四百一十七石零盤  
量折耗及碾米折算不敷穀一萬一千二百七十  
石零又捏報買補今仍未買穀四千五百一十九  
石零俱經另疏

題參其未買補數內臣等已督催買補穀一十二萬  
八百一十七石零借碾兵米數內已徵米抵穀一  
萬五千九百一十八石零又各虧空案內已追完  
穀二千九百五十石又新收雍正四年官民捐積  
穀七百一十石零現在實貯穀九十三萬一千七  
百六十石零尚未買補穀五十萬六千六百一十  
一石零借碾未徵還穀七萬七千五百四十六石  
零又據布政司冊報自康熙五十五年起至雍正

四年止共未完地丁等銀四十三萬四千四百八十八兩零今據委署各官查出虧空銀一萬三百五十七兩零并胥役侵收以及捏作民欠等項銀兩俱經另疏

題叅外其實在民欠內臣等已督催完銀六萬六千四百九十四兩零尚有歷年未完之民欠銀三十萬七千九百九十三兩零所有各項虧空臣等現在逐一嚴查定擬勒限追賠凡有無可著追之

項俱著落毛文銓賠完又八府一州平糶存價未  
買穀石臣等俱已勒限買補如有價值不敷所需  
搬運腳費亦著落毛文銓賠補臣等公同定議現  
在另行繕疏會

題伏候

聖裁外誠恐上厪

聖懷合將盤查情由先行會同具摺奏

聞伏乞

睿鑒再照社倉穀石收掌在民不入盤查合併聲明謹  
奏

辦理殊屬清楚詳妄朕欣悅覽之

同日又

奏為邊海重地揀材宜急事竊臣查閩省內地八府  
一州自知府同知通判以及州縣共八十員內前  
後陸續

題叅革職并勒令解任及改教休致各項卸事共糾

叅去任五十餘員其餘除同知通判外所有倉庫  
無虧做官尚好未叅之縣令十餘員俱交錯調用  
亦不使仍在原任致滋弊端所出各缺在先後  
命往人員內臣與督撫布政使細加斟酌量才

題補至望誤之員素日居官好者容臣於

題補各官後詳細開列另行密

奏外惟是閩省邊海重地俗悍民刁難於治理今新  
補各官多係初任不能諳練若責其典守倉庫則

為有餘設遇邊海有事堪供驅策者頗難其人臣  
受

恩深重雖非專管地方總屬公事何敢緘默不言伏乞  
皇上俯念邊海要區或再將曾經熟諳民事者

命往數員交與福建督撫酌量於緊要縣缺補用庶可  
收得人之效矣謹

奏

此奏可嘉之至已有旨矣爾見諭旨時保爾必深服朕



此一出奇料理之意想也

同日又

奏為覆奏事竊臣欽遵面奉

上諭於抵閩之後即細查密訪福州駐防兵丁從前習  
氣果甚不好自將軍臣蔡良到任管束頗嚴訓練  
甚勤旗營官兵凡有違犯並不庇護縱容是以各  
守紀律殊覺安靜至將軍臣蔡良臣看其為人謹  
慎管兵嚴明操守頗好實稱將軍之任臣與之細

細談論見其於駐防事務實為熟練而於民情吏治等事似不甚明晰若任地方大事恐不能稱職謹密訪福建旗兵及將軍蔡良各緣由據實覆

奏伏乞

皇上睿鑒謹

奏

所奏甚公朕亦聞蔡良此任甚好但還欲調伊廣州尚在未定此意不可向伊宣露凡此等預聞之事最宜慎

重否則毫無益而大有害況爾等封疆任重少不謹密  
招禍更不淺也切記

同日又

奏為覆奏事竊臣密奉

上諭汀漳道劉燦為人到底何如爾細細物色具奏欽  
此查劉燦居官操守雖好而為人粗鹵不識大體  
且其才具甚屬平常汀漳道係邊海要缺非粗淺  
平庸之人所能勝任至其在閩到任未久雖因耿

國祚重價賣米劉燦稽查禁止一事百姓一時感  
頌其餘並無善政可稱就其才具或內地偏僻道  
員或在京閒散之缺庶幾人地相宜才稱其職矣  
為此據實覆

奏伏乞

皇上睿鑒謹

奏

所奏甚屬公當已有旨矣

同日又

奏為覆奏事臣於初抵閩省宣傳

上諭時見高其倬羞慚悔艾無地自容臣已將情形具摺奏

聞今臣數月以來常與高其倬談論看其居心惟知感激

皇恩做官惟知愛惜百姓一切名譽身家皆所不顧自奉

聖諭訓勉之後凡行一事惟恐或踣護庇屬員及因循舊習之愆即如通省倉庫凡有從前所知者及現在訪聞查出者無不向臣等詳告并多方籌畫是

其性情雖覺遲緩見事未能迅速而一片為

高其

倬為

人豈待

爾奏但

祇過

慎而

不當

一切

優柔

不

國赤

心實

出於

至誠

謹將

臣數

月以

來所

見高

其倬

能決

斷恐

遇大

事必

致遲

誤也

而且

聞於

識人

朕甚

憂

為人居心行事據實密陳又臣覆奏福建布政使

之

臣沈廷正摺內奉到

硃批臣自抵閩以來細看沈廷正面貌雖瘦但精神充

好已

用伊貴州巡撫矣

足氣色甚好現今審理案件連宵鞫訊每至達旦

亦未見有困倦之態謹將臣所見沈延正精神氣色據實一併

奏覆伏乞

皇上睿鑒謹

奏

覽

同日又

奏為奏

聞事竊臣據郎中臣鄂彌達因往查漳郡倉庫回省云  
漳州兵丁頗好一入泉州境見陸路提標所轄地  
方營伍散漫汎守懈弛器械不堪又員外郎臣伊  
拉齊往查泉州倉庫回省云提標兵丁抗糧成風  
歷年未完錢糧提兵抗欠者甚多而且恃兵藐法  
甚至署晉江縣蘇本潔有枷號人犯衆兵連人并  
早已有旨矣所奏甚可嘉  
枷擡去藏匿提臣丁士傑不能彈壓諸事寬縱又



聞廈門水師提臣藍廷珍患病日久不離牀第標  
兵探知情由遂各不守紀律等語臣思閩省水陸  
兩提俱駐劄泉州地方原因泉州郡密邇臺澎且為  
省城屏障今水師提督則患病臥牀陸路提督則  
寬縱廢弛海疆重地彈壓無人關係非細臣受  
恩深重凡有所聞不敢隱匿謹具實奏

聞伏乞

皇上睿鑒謹

奏

陸路提督已用一上上好者前來矣惟水師提督實難得人藍廷珍雖病大約不妨

雍正五年十二月二十一日廣東巡撫臣楊文乾等謹

奏為奏

聞事竊照閩省州縣經徵錢糧外有溢額之項臣等抵閩時嚴諭各屬據實查明開報去後已據陸續報

有銀八千餘兩米五百餘石又查有年久寺廢歸  
官田租八千餘石除完納錢糧外餘充公用再查  
閩省濱山環海原額地畝內間有被沙壓水衝不  
能耕種人戶因之逃散以致錢糧有額無徵是以  
即將此項溢額抵補完解雖屬以公完公但未經  
清釐私行抵解或其中仍有贏餘未便任其侵隱  
伏懇

皇上准令督撫臣會同將通省州縣凡有溢額銀米及

無徵錢糧盡行查出其溢額一項除抵補無徵外  
所餘銀兩解貯司庫積有成數即於本省置買義  
田每歲租息收貯在官以備公用至寺田一項應  
即作為義田其所收租息除辦賦之外亦收貯在  
官以備公用庶溢額之項不致官役侵隱而寺田  
之租皆可積貯公用矣除移咨督撫二臣嚴催各  
屬查報外合將查出溢額寺租情由會同繕摺奏

聞謹

奏

此事當移咨閩省督撫著伊等斟酌料理具奏

同日又

奏為覆奏事竊臣前奏分別限期採買倉穀一摺奉  
到

硃批臣謹祇領伏思府廳州縣為親民之官地方安危  
百姓苦樂全藉此官為轉移關係匪輕臣赴閩清  
查自當論人辦理方於公務有益不當將事辦人

以致漸啓私端

聖明指示精詳臣實敬聞恍悟查閩省八府一州之中  
居官不能稱職者臣等即就其倉庫不清糾叅離  
任各員內有應另補者俱令送京引

見另補其餘或係新授初到或係甫經

題補或係現今改調所有正印各缺並無舊任之員  
通盤更易上下肅然且懲創之後人人知儆嗣後  
再加以督撫之稽察司道之教誡舊弊盡除可免

上厪

聖懷矣謹

奏

目今雖經清查亦需後人接續料理不然仍無益也

同日又

奏為覆奏事竊臣於十二月十八日盤查事竣即宣  
旨福建鹽驛道員缺緊要陳豫朋不勝此任著伊拉齊  
補授鹽驛道陳豫朋交與福建督撫酌量於別處題

補臣又宣

旨伊拉齊朕亦不保其必能勝任說與高其倬常賚若  
因朕所擢用包衣人員遂爾瞻徇則大誤矣着伊等  
留心試用高其倬常賚俱敬謹欽遵外臣又欽遵面  
奉

上諭自抵閩以來細看伊拉齊行事端方居心潔淨雖  
外官事務未能熟練若加學習便可料理數月以  
來所辦之事並無偏袒之處臣謹據實密奏但福



建鹽政頭緒紛繁一切諸務非細加搜查不能保  
其必無隱漏況伊拉齊初任外官更非急遽所能  
奏效查交盤例限兩月可否寬給限期俾其徹底  
清查庶於

國課有益為此具摺奏

聞伏乞

皇上睿鑒謹

奏

已另有旨矣高其倬自然為之斟酌

同日又

奏為奏

聞事竊臣遵

旨帶領

命往官員楊弘緒等赴閩隨公議將候補各員先行委  
署盤查今已告竣除將應補各縣缺之繁簡并各  
員之人才辦事於疏內分別聲明具

題其知縣中之居官好者已經另行摺

奏外謹將知府同知通判各官為人辦事詳細開明  
奏

聞

計開

此

人係出格之優者

福州府知府楊弘緒實能辦事不顧嫌怨實係好

員

擬補漳州府知府潘體豐人有才幹膽量甚好但

不妨

實有才情

有過於恃才之處

擬補泉州府知府劉而位辦事勤謹人亦有才但

是

膽量少平

誠好

朕原有面諭爾之旨

擬調延平府知府莊令翼老實勤慎聲名亦好

記不

甚確

擬補興化府知府沈起元為人明白辦事亦小心

亦係

好員

擬補建寧府知府姜朝俊辦事謹慎才具亦好

亦不

甚記其優劣

擬補邵武府知府蔣林辦事勤謹吏治尚欠熟練

但少年可教

人材

去得

擬補汀州府知府章廷璫吏治明白才情亦好

殊不

深知

擬補福州府海防同知張嗣昌謹慎明白

拘謹

小材但恐其人福薄

擬補邵武府同知王德純小心謹慎辦事勇往但

覽

不服水土不時抱病

擬補福州府通判張煦才具亦好辦事勤謹為此

謹

奏

知道了

同日又

奏為奏

聞事竊查閩省州縣中民刁役玩難於治理者以候官  
縣為最臣等委令候補知縣梅廷謨署理該員急  
公辦事不徇情面搜查弊端十分盡心而結怨招  
尤亦已十分深重誠恐久留侯邑或致被人傾害  
是以臣將梅廷謨

題請補授南平然尚在福建究恐不能免禍伏乞

觀汝意大約欲將此人調用粵省閩廣皆朕地方況在  
皇上勅調別省補用則賢材不致枉棄矣其候官縣員

闌不過一縣令汝酌量本省遇有同知知府缺出具本

題請朕即賞與汝為屬員也

題補查該員從前委署晉江縣辦事實心清查盡力

雖有提督標兵搶犯一事已報提督未經通詳乃

因初任不諳之故臣為愛惜人材起見謹將實情

奏

知道

聞又建寧府之建陽縣事繁民猾非幹練之員難勝其

任查崇安縣縣丞郭尚墉老成諳練此番盤查又

極盡力是以臣等公議

題補查蘇本潔係前

命往之員可以不必伊等自當請旨應否再令送部引

見郭尚墉係未經引

見之員伏候

皇伊等亦自然請旨上勅諭福建督撫給咨送部引

見又閩縣為省會首邑政務殷繁必須幹練之員方能

勝任日前臣等會查福寧州同李芬辦事勤敏



公擬先委署印觀其居官奮勉實於地方有益倘  
蒙

皇上准其實授庶要地收得人之效矣理合據實密奏  
伏乞

睿鑒謹

奏

覽

同日又

奏為遵

旨密奏事竊臣欽遵面奉

密諭於抵閩之日即於罌誤各官中細加密訪緣閩省吏治頽壞日久欲求秉公辦事並無瑕疵者不可多得今訪有數人謹將其居官為人好處與不好之處備錄恭呈

御覽

計開

程光鏞原係

命往以知州補用之員該督撫

題請以知州管順昌縣事辦事有才聲名亦好因代  
買前任流交倉穀三千餘石未經上倉被叅原疏  
聲明旋已全完今覆盤已報實貯業經

題請免議給咨赴京引

見知道了

周偉原係邵武縣知縣百姓感激人亦老成因領

買穀石捏報實貯濫邀議敘案內准部議革職臣  
查周偉於雍正二年

大計卓異十二月內離任進京引

見至雍正三年十二月回任而前督臣滿保

題報買穀贏餘係五月內出疏則捏報實貯其各在  
俟各員參案明白之後再看

知府曹友夏實與周偉無涉

周鍾瑄原係郎中管臺灣縣事福建大小官員無  
不稱其做官辦事實屬出衆之員自離任二年以

來日用養廉皆係臺民供給且聞伊前任諸羅縣  
時教民開挖溝渠民享其利又為遠汎兵米取給  
諸羅民苦輓運就營召壑給兵又移借社穀賑糴  
安民又議建木城以資防守以上諸事人所共知  
此乃大有手眼之人甚有才情何消說得但看審結後  
且全臺事宜無不熟練實為有用之才現今閩省  
何如耳  
候審俟審結之後伏乞

皇上調令赴京引

見可用與否難逃

聖明洞鑒

張無咎原係泉州府知府因捏報泉防廳倉穀實

貯案內糾叅臣等擬以革職具

汝等

叅款柄據

似予難寬論其才具甚優當日在司官

題在案但百姓之感激豪強之怖畏政聲嘖嘖人口

中有名

係朕揀用之員

臣訪聞的實不敢壅於

上聞謹據實

奏明伏惟

皇上睿鑒謹

奏

覽

雍正六年二月初一日廣東巡撫臣楊文乾謹

奏為恭報時雨事竊查粵東目下田間麥菜正需雨  
澤茲於正月二十九三十兩日連得大雨遠近高  
低田地盡皆霑足麥菜生發茂盛雨潤土鬆百姓  
咸得盡力播種此皆仰賴

皇上福庇將來早收可以有望謹將已得時雨緣由繕

摺奏

聞謹

奏

覽得雨情形深慰朕懷但不可少肆乃志敬之一字時刻毋得釋諸懷抱

同日又

奏為密奏事竊查廣城內向有刁棍謝禹臣者窩賭為非生事不法曾經從前訪拏未獲之人臣於上



年赴京後謝禹臣因布政使官達初任不諳鑽營  
入其幕中與庫官陳成元閩人林公官等內外勾  
通招搖行賄以致官達聲名甚屬不堪至官達奉  
旨解任於去年十一月初四日准到部文署撫臣石禮  
哈留其候新任交代直至十一月二十九日離任  
其間二十餘日謝禹臣更恣意招攬不論事之順  
逆銀之多寡槩行接收將案件逐一顛倒翻騰臣  
回任開印視事數日內其被害及經手過付之人

紛紛向臣衙門具呈首告臣將贓明証確數呈內之要犯謝禹臣林公官等拘到訊據林公官等咸稱贓銀俱係官達所得等語臣思官達身受

皇上高厚之恩自當勉力圖報若竟如此婪贓少有人心者必不肯為今據首告紛紛指供鑿鑿或係謝禹臣暗地播弄官達受其欺朦或竟係官達變易初心見利忘義俱未可知但查官達係別案已經解任之員應否具疏

題叅將官達交與督臣質審伏乞

皇上批示遵行謹

奏

官達着革職交與該督嚴審定擬具奏該撫若有續叅案件一面題叅一面移咨該督一併審明具奏該部知道

雍正六年三月初二日廣東巡撫臣楊文乾謹

奏為恭報再得時雨事竊粵東耕種禾稻較之別省

更早是以有清明得雨十分收之鄉諺今於二月  
十九二十兩日連得大雨二十二日又大雨竟日  
高低田畝遠近霑足農夫野老咸頌

皇上聖德廣敷感召

天和之所致且米價平減黎元樂業臣密訪四鄉人民安  
恬歌咏有年光景甚好理合奏

聞恭慰

聖懷謹

奏

深慰朕懷爾等督撫果能居心誠敬秉公為國家辦理  
庶務察吏緝盜愛養百姓則

上天之垂佑賜福朕可保其必也如河南雲南二省朕實  
可力保勉之勉之

同日又

奏為奏

聞事竊臣據臣衙門舍役莊耀首稟去歲九月內有內

班門子胡龍超發出署巡撫阿克敦諭帖一封令其往虎門調取暹羅國船主到省押同允升行主崔峻觀繳銀六百兩與王堂官胡門子收進方准開艙起貨等語又聞暹羅國船主葉舜德番官乃哂等口稱我們仰慕

天朝航海載米來賣被風飄流到粵遭署巡撫索去銀兩將來國王不准開銷著落賠補關係身家性命等語臣聞之不勝駭異隨發交司道等公同查訊

隨據錄報船主葉舜德等供稱去年八月載米糶

賣船隻被風飄來駛到虎門阿巡撫因其新來於

大笑

談豈有此理

額稅之外另索規禮銀八百兩差莊耀胡龍超連

日催逼無可奈何將米賣銀六百兩交王堂官親

手收去等語訊之經手莊耀等吐供相符又據番

官乃嘑等供稱葉舜德係初次來粵貿易船已進

港無柰曲從等語臣思

皇上德威遐播遠方絕域重譯來

朝竭誠進

貢實為從來之所未有

皇上格外加恩何等深厚而阿克敦反向遭風之夷商勒索規禮若傳布遐方在阿克敦之聲名固不足惜其如我

天朝國體何臣再四思維即暫借公項銀六百兩令司道公同傳齊番官番商當堂曉諭此項銀兩並非署巡撫阿克敦所得俱係衙役家人指名勒索今



已究出照數發還免爾等回國賠補葉舜德等感激

皇恩歡呼載道俱稱我等仰慕

聖朝高厚今次愈加深切共皆舞躍而去臣謹將前後情由據實奏

聞伏乞

睿鑒謹

奏

料理甚當可嘉之至但此事朕殊不信阿克敦有如是理乎或係伊家人之所為亦未可定今諭阿克敦回京便道至廣東汝必將此事根究明白奏聞此時不便明言為此一事但諭伊詣廣州俟伊到時再傳旨審訊明確可也

同日又

奏為奏

聞事竊臣據監生汪肇英呈稱於上年十月內被刦番

禹縣知縣改換報呈獲犯不監亦不追贓審究等情臣隨批司提審茲據審明此案同夥七人內有將軍標兵丁朱國用等四名旗下壯丁小衛一名民人二名共行偷竊而將軍標各兵復糾同撫標兵丁一名於十一月二十二日行竊寡婦沈氏家署番禹縣知縣余祖蔭將為首之朱國用審作仇扳釋放供出小衛不行移提現獲之犯又不嚴審監禁至各兵雖據營文報係事前革糧旗廝係預

先逃走今審各兵俱供行竊之夜朱國用現在將  
軍衙門該班各兵俱係倒提月日詳革名糧等語  
詳覆前來臣標兵丁林朝貴名糧亦係倒提月日  
詳革臣現在將徇情縱賊之知縣及失察兵丁為  
竊之將備弁員具疏

題叅外至壯丁小衛係積年慣賊現據旗員覆稱尚  
未拏獲但旗兵犯事向不許有司往查其果否逃  
走無從得知伏乞

此事

朕即另行飭諭石禮哈亦自然知是汝之所奏莫

若將此批諭即交與伊遵照查拏  
皇上勅該將軍務須獲送解究使積賊不致漏網并將

甚是

縱兵行竊倒提月日革糧各官查叅庶官兵知畏  
奸匪潛踪矣抑臣更有請者官兵糧餉俱由巡撫  
衙門行司給領臣請嗣後凡有開除名糧即日呈  
報巡撫衙門存案則倒提月日詭避處分之弊可  
杜又各鎮營凡有革糧兵丁於開除之日向皆任  
其去來不為著落以致流為匪類臣請

自另有諭旨所奏甚是  
皇上勅諭各省將軍督撫提鎮嗣後凡有革退兵丁於

開除之日即押解原籍交明地方官編入里甲并  
令鄉保約束庶不致流為匪類矣至臣標中軍遊  
擊丁銓生辦事勤謹營伍整頓其倒提月日詳革  
兵糧據稱因將軍現署巡撫不敢與將軍標各兵  
互異是以照式具詳於臣回任時即自行檢舉况  
該員署事僅止四十餘日有旨倘朕偶爾遺忘汝再具本題留可也臣業經遵例於疏內聲  
明附叅但丁銓生才具可用可否從寬免議伏候

聖裁謹

奏

覽

同日又

奏為奏

聞事竊臣於回任之後細查去年運到粵西倉穀三十萬石除三水縣賑濟災民穀并阿克敦常賚撥發平糶穀又常賚與石禮哈

奏明買穀捐賑實未買穀即於粵西穀內借動煮粥

各項共動用十一萬餘石去年秋收價平未經買還今則青黃不接米價昂貴更難採買臣現在與督臣孔毓珣署布政使王暮設法購買其餘通省常平倉穀內有平糴未經買補碾支兵米未經徵補還倉等項現據各屬有報已經徵買完足者有報現在徵買者俱難憑信臣現在委官盤查并密行確訪其雍正五年分平糴碾支之穀查明確實准其作速徵買勒限補倉其四年以前碾糴之穀



若未經徵買捏報實貯者臣現在陸續

題叅著落歸補即使從前

奏銷時臣等據結保

題之項臣亦不敢怙過隱飾扶同欺罔統俟查明的  
實勒補完足再行奏

聞謹

奏

嚴叅捏報以實倉貯甚好酌量為之若遇有才力猷之

員仍當少為從容汝二人商酌而行但須一一據實摺奏不可絲毫隱諱將此諭亦令孔毓珣知之

今將官達初到任之奏并朕之批諭發來爾看又一人叅奏一摺亦發來與爾看尚有石禮哈常賚等之奏摺不便發與爾看者猶多爾試想朕將汝父成全千百年一人物不特此恩深厚汝難圖報即將汝告終養之一道員不二年間擢至開府類斯等叅奏頻達朕前而未之加罪此種保全愛護之恩非比尋常汝於夢寐中若

存有絲毫負朕之念必無善慶寧不可惜亟當勉力做  
一全人以仰答朕恩至叅奏雖多餘皆不足信惟此洋  
行一事乃確鑿可據者更有何詞汝大謬矣汝意以為  
上不關國計下不累民生巧取暗獲名實兼收殊不知  
人之耳目難瞞但一圖利誰肯心服汝既巧取獲利而  
居清官之名屬員亦必令有巧利方可禁其婪取否則  
雖令不從此干係屬員生效尤之心也至於百姓汝曾  
經奏朕粵人惟利是嗜身命皆視為次既知此汝一狗

利則百姓孰肯感服聽從耶為督撫大吏者既失屬員  
百姓之心而欲地方就理豈可得乎總之天下無巧事  
設欲巧莫若大拙則巧在其中矣夫名實兼收之說原  
言有其實而名必副之也豈有實取利而反得廉名實  
行惡而反得善名實欺詐而反得忠名之理循此以求  
名實兼收終必至於名實俱喪斯理一定不易愚人  
不能領會每致錯解耳汝今倘不知愧悔仍思粉飾則錯  
中更錯矣其他猶可如奏中云汝託進上之名將洋貨

盡收入署中撿擇天日昭然二年來汝有何希奇之物  
進獻耶奚必如此之甚但令粵東一省有一人知楊文  
乾購覓洋貨進上只此一句在楊文乾自問於心忍乎  
汝大誤矣若不深自愧悔痛改前非必至噬臍不及矣  
假若以朕之愛惜為足倚汝自料汝之才情本領較年  
羹堯何如若言朕之恩重為可恃汝自思較傅鼎知遇  
之恩又何若亟當洗滌肺腸痛自刻責方能永保朕之  
眷顧慎毋謂此數人如此叅奏尚不能移動上心其他

奈我何若作此想則謬之至矣從來恃恩怙寵為臣子之大忌況朕之用人行政大公無私天下皆知即今日如此訓諭猶欲借私以全其公也汝若執迷不悟將來亦不過成朕之大公耳汝至彼時揮淚流涕思今日之諭已無及矣汝既經此一番物議即粵省一錢之利亦不可沾染勉之慎之若稍見理不明立志不堅則朕亦無可奈何君臣情分朕除此一篇訓諭之外餘無法矣第一緊要者公之一字果於百凡處盡屏私心則人人

無不起敬重之心茲令通省大員交口談過已為負朕  
若再不痛加悔艾改革更掃朕用人之顏面矣楊文乾  
自思其如天理人情何再者不欺二字亦關緊要汝心  
稍涉欺隱必損己之福況終必敗露何以欺為不但朕  
如此留心勤於訪察之君即遇昏憤懦弱無能之主亦  
斷不可欺

天地神明實昭昭不爽信得及一分增一分福信不及一  
分加一分孽可不凜畏乎勉之又勉特諭

欽定四庫全書

硃批諭旨  
卷九下

四三

雍正六年五月初三日廣東巡撫臣楊文乾謹

奏為敬聆

訓諭據實陳明事竊臣齋摺家人回粵奉到

硃筆諭旨一道并官達奏摺及又一人叅摺等件臣跪  
不止此數人已也指摘事情不過如此其人尚多  
讀之下感愧交集伏思奏臣者如此數人若此叅

劾乃蒙

天恩垂鑒不即擯棄將奏摺發臣閱看又

俯賜



硃筆諭旨訓勉開導愛護保全之

恩至矣極矣臣非木石有不感悟動心痛自刻責竊念

臣父楊宗仁仰邀

聖主恩施得成千百年一人物臣以終養道員又蒙

聖主於二年之內拔至巡撫疊沐

弘慈有加無已臣於到任之時上念

君恩內思父志曉夜焦勞不敢少踰尺寸惟恐有負

聖天子擢用之至意玷辱臣父教訓之苦心凡一切陋

規禮節盡行革除此固闔省官民之所共知而亦

久在

聖明洞照之中今細閱叅摺跪誦

此論亦未嘗不是但可以不必要果事屬虛捏日久自明

訓諭臣方將愧悔之不暇又何敢粉飾致增罪戾但蒙

宜須此奏朕若深信其言則據事而明正汝罪矣焉有

訓勉期望之深恩若果有其事不知改悔惟圖粉飾固

密諭汝看之理第當感朕高厚之恩竭力勉自全之

為欺

道以報君恩以繼汝父之志惟思秉公致身一切不必

君而一味隱默不將實情剖露亦非傾心事

問不必念但審諸臣以質諸

主之道謹將奏臣摺內所列事件原委逐一另繕清摺

天朕可

為我

一生成全也設用機械防範藉人協助懼人

排陷千方騰那百計趨避則甚非成全之道凡接朕之  
皇上詳細敬陳外總之臣本至愚毫無才具其所以得  
訓諭必清夜追思至自有得力處方知朕恩也若泛泛

邀

只就言語看去不但不能見之實行而反近於迂濶虛

天眷及臣之所以仰報

文矣勉之勉之看汝造化何如耳果能遵奉朕諭而行

皇恩者惟此誠樸二字若倚恃

一生受用不盡汝試行看其妙無窮於人情世間自

愚寵使巧獲利則臣之本心已喪將何以永保

必另有一番新氣象快樂處但此為最難非有根器福

弘慈臣自閩回粵始知伊等必欲害臣者亦未始無因

量之人不能領受也勉學之  
查去歲四月以後米價騰貴百姓流離盜賊橫行

常賚乃朕藩邸舊人官達乃色衣微賤之流石禮哈朕  
一路擢用以來光景不但何克敦庸懦下劣之人凡一  
為朋蔽石禮哈畏官達之招叅是以兄事官達而  
切識見卑淺不知朕者原覺可疑可畏也可憐若輩有  
目無珠不知視朕為何如主也  
石禮哈而且以女妻其子至常賚既畏石禮哈之  
若非四人合力排陷何能致楊文乾一毫不動如此即  
狂妄又懼官達之強橫惟以柔順交接迎合曲從  
可益堅乃志矣既有朕明鏡當空何須屑屑器小自限  
試問今日伊等害人耶自害耶且楊文乾不過同省四  
笑談署督撫將軍等惟恃彼此串通共相瞞昧以  
人為力排陷如田文鏡內外合力排陷豈止四人田文  
為欺罔之事所怯者惟恐臣賦性直率若一回粵

鏡究竟今日如何耶但田大鏡實能爭氣全朕之公明

省斷不肯負

二字設若恃寵壞朕用人聲名只得翻手更張矣汝今

皇上之恩與伊等扶同朦蔽是以伊等竭力謀為務思

日頗與伊相似總要知恩且能爭氣不但成全自身并

傾陷必欲不令臣回粵而後已即如道員王士俊

朕用人行政天下後世之名譽亦成全矣若不能遵論

衆皆以為臣所保薦來粵之人去歲共謀糾叅其

為朕爭氣朕亦無奈亦惟有認過以成全朕躬聲名耳

意不過欲將臣一併拖陷以為此舉之後臣未必

如此則兩無益也勉之勉之

再能回廣伊等欺罔朋謀之事不至敗露矣是以

一叅之後同城將軍署撫臣以及藩臬大開宴會

設席置戲輪流作主肆行無忌經月不輟甚至官

達請阿克敦石禮哈并傳喚同城文武俱到伊衙  
門赴席演戲兩三班設席五六十桌歡呼劇飲通  
省官民莫不驚訝直至聞有發還糾叅王士俊原  
本之

旨始畏懼停止宴會闔省官民皆以我

此亦不過附合汝之言何足為重輕朕概置不知不問

皇上明照萬里之外莫不歡頌此人所共知共見者伊

祇知評情酌理秉公執正以臨御萬方六年來天下臣

等之存心行事如此諒難逃

工尚有如此輩愚昧化導不醒者可笑可憐亦殊可恨

皇上洞察之中至臣受

恩深重斷不因伊等如此傾陷此次回粵輒變初心況

臣於去歲

陞見時蒙

皇上每日

召見諄諄

訓誨無所不盡迺踰常格凡稍有人心者亦知感悟且

屢蒙

皇上稠疊弘恩可謂至深極渥臣嗣此以後惟有益加

黽勉斷不忍取此猶屬小節粵省一錢存一毫此為最要之著私念致掃

皇上用人

勉之勉之莫忘今日此奏  
天顏倘稍有恃

恩怙

寵以為如此數人若此叅劾尚不能動

皇上之念即行肆志一萌此心不但難逃

皇上大公之法即臣父九泉之下亦不能容臣恒以此覲顏在

語自警甚好

世也至臣賦性愚鹵荷蒙



皇上教訓謹一一據實奏

縱有未協處何妨君臣之間未有不可言者但密之

聞不敢欺隱但恐詞語未協仍求

皇上俯賜

垂鑒謹

奏

覽

同日又

奏為恭報三春得雨二麥豐收事竊照今歲惠潮二

府大麥小麥盡皆十分收成夏田得雨又極茂盛  
廣州等府自二月起至今止每常望雨之際輒得  
甘霖大沛且一經霑足之後隨即晴霽田禾易於  
生發現在四野青蔥暢茂早禾收成豐稔目下省  
城以及各府米價俱已平減闔省民情甚為安樂  
此皆我

皇上念切民依至誠感召之所致也臣目睹粵省雨足  
必須實實如此存心方好空言則無益也果能以此二  
禾豐深為欣忭惟有益加儆惕時時寅畏

天。

語自勉諸務自當就理矣

心不敢絲毫放縱以期仰慰

宸衷所有惠潮二麥豐收各府雨水米價理合繕摺奏

聞謹

奏

深慰朕懷汝等督撫大吏果能恪遵朕訓深體朕衷殫  
心辦事誠敬格

天則

天和下應雨暘時若朕可預保其必然也但須實力勉竭

一誠聰明機巧概不必用實無可用之處勉之勉之若信不及見不透將來必致受累祇將此心對

天此身靠

天乃為人第一妙訣餘無二策汝其識之

同日又

奏為覆奏事雍正六年四月初八日廣州將軍臣石禮哈將所奏連州人黃翰臣等攜眷逃赴楚省一摺欽奉

硃批傳諭臣知欽此臣查黃翰臣等因鄧姓墳墓於上年十一月內豎旗脇衆奔往鄰境臣於今年正月間回粵聞知其事雖據報已經押回但為首四犯未經就獲臣隨嚴飭查拏務獲去後茲已據報黃翰臣等為首四名均已拏獲隨經發審嚴究但查黃姓族大丁多素稱強橫今因爭墳細事不服官斷豎旗脇衆捏稱冤民逃赴楚省希圖挾制官長若不嚴加懲創恐刁悍之風不息是以知會督臣

孔毓珣會疏

題叅在案連州地接排瑤界連楚省民刁俗悍更與  
別處不同其作何防範彈壓之處臣現在與督臣  
籌畫立法另行奏

聞謹將奉到

硃批諭旨緣由先行覆

奏伏乞

皇上睿鑒謹

奏

所奏是須盡心徹底詳細料理不可草率從事貽累後日又費周折也

同日又

奏為奏明事竊臣去年奉

旨赴閩盤查倉穀親見閩省各府州縣吏治不堪因具密摺

奏請

皇上將曾經出仕熟諳民事者

命往數員交與福建督撫酌量補用奉

硃批已有旨矣爾見諭旨時保爾必深服朕此一出奇料理之意想也欽此昨臣准到部文奉

諭旨着各省督撫於所屬知縣內除川陝雲貴廣西每省揀選一人務在歷任年久官員中擇謹慎老成才猷敏練者一面具奏一面咨送閩省交與高其倬常賚酌量於緊要縣缺補用欽此等因到臣臣捧讀之



下不勝歡忭之至伏思

皇上擇各省之賢能補閩省之州縣求什一於千百在  
各省自不乏人聚良吏於邊方在閩省大受其益  
聖主神竒妙用實出臣意想之外而臣私心悅服又百  
倍於尋常之外也臣凜遵

諭旨於粵東州縣中擇有瓊州府陵水縣知縣冷岐暉  
才猷練達實心辦事該員歷任五年雖俸滿應陞  
准有部覆但似此賢員堪膺揀選臣已檄催該員

到日即當咨送閩省業於本內聲明以陞銜補用  
洵屬人地相宜謹

奏

覽

此番辦理雖出朕一時之權宜料汝必深為欽服也

雍正六年五月二十四日廣東巡撫臣楊文乾謹  
奏為早禾成熟事竊廣省早收有小暑禾大暑禾二  
種今小暑禾業已成熟大暑禾現皆秀實約計收

成俱有十分小民甚為歡忭因戶見年豐米賤盡  
實為可慶可喜事也朕以手加額覽之且代汝等欣幸  
之所藏是以省城米價現在每石止賣銀一兩至  
之至勉之

一兩零幾分不等其素日米貴之惠潮二府今每  
石竟減至一兩零幾分高雷廉等府較之惠潮更

賤窮民易於糴買地方甚覺安寧此皆仰賴

皇上洪福似此諛詞朕甚不喜汝等若不能秉公察吏實心愛養之所致臣惟有益加誠敬實心辦事察吏緝

兵民有干

盜撫綏黎民不敢一毫肆志以期仰副

上天和氣惟朕之洪福以冀物阜年豐可乎能乎如果  
聖懷謹將早禾豐熟米價平減緣由據實繕摺奏

直省各督撫人人皆如田文鏡然後方可頌朕之洪福  
聞伏乞

也不然似此大言不慚之虛文朕實愧而不敢居

睿鑒謹

奏

覽奏欣悅但宜黽勉吏治汝等督撫有幾分吏治幾分  
公忠朕可預定

上天垂賜幾分嘉應也此理朕實見之透徹勉之敬之

同日又

奏為奏請

聖裁事竊照南海縣一缺前准吏部咨稱係丁憂在外  
所開之缺應聽該督撫等於試用人員內酌量委  
署臣查南海係省會首邑旗兵駐劄事務紛繁必  
須幹練之員方能治理非試用人員所能勝任今  
查得福建侯官縣知縣蘇本潔從前委署晉江縣  
辦事實心清查盡力臣已具摺奏

聞前閱邸抄該員已因提督標兵搶犯案內降調又原  
任陝西米脂縣知縣高純勲臣在榆林道任內帶

往邊地賑饑委署綏德州竭力招撫盡心辦事陝西撫臣圖理琛奏其平常供職奉

旨原品休致臣於上年

陞見時曾經具摺

奏明在案臣查蘇本潔高純勲才情辦事均為有用之材遽為棄置甚屬可惜伏乞

皇上調赴引

見於此二員中

恩准以一員補授南海知縣則首邑重地得收臂指之效矣又查福建南平縣知縣梅廷謨臣曾將該員急公辦事搜查弊端結怨招尤久留閩省必致被陷等情具摺

奏明奉

硃批賞與臣以粵省同知知府題請補用欽此查肇慶惠州二府現在出缺均係緊要況目下正當清理倉穀之時需材更急仰懇

皇朝通志卷九十一  
皇上俯准將梅廷謨於肇惠二府補授一缺則該員必  
能感激

天恩愈加出力報効所餘一缺并祈

特簡一員來粵補用庶邊海要區咸慶得人矣為此謹  
奏

肇慶惠州兩府之缺已早有旨矣梅廷謨朕欲調來看  
後再定蘇本潔高純勲爾惜此二人甚是當為國家愛  
惜人材照所請調來引見時另有諭旨



同日又

奏為據實奏明事竊湖北撫臣馬會伯摺奏解任江西按察使柳國勲前於湖北驛鹽道任內收受各項陋規銀兩因臣從前錯誤保薦奉

旨著臣明白回奏臣接准部咨現在繕疏遵

旨明白回奏外伏思

國家以人材為重臣受

恩最深圖報心切自念一人之精力有限故留意人材

力為保薦使得各盡所長亦可仰酬

聖恩於萬一查臣數年以來所保薦者如王士俊胡恂  
孫國璽黃文偉俱才守可觀足供任使其餘如樓

今在

儼雖才情稍有不逮而操守廉潔可嘉殷邦翰居

官為人甚有不純之處然勇於辦事不避嫌怨至

何可

云爾之所保者

於常賚臣見其在藩司任內小心謹慎故臣告假

赴京保伊署理撫篆及臣離粵之後並不料理地  
方政務一味徇縱又擅取關稅銀一萬餘兩不但

不能勝巡撫之任并素日之小心謹慎亦復易轍

方願

朕未見其人諒來是走科甲通聲氣巧詐沽名

之輩

又方願瑛前任惠潮道時臣見其辦事有才故於

大計

列為薦舉及陞任臬司遂逢迎督撫將軍串通

朕即

惠士奇歷任督撫咸保薦伊為出格好員到京引

見始

知為不堪下劣之人舉動輕佻神氣浮亂抑且迂

臣已

會同督臣具摺奏

而多

詐毫無可取人也汝等從前何故亟加獎許即王

聞總

之臣見有可用之才即為薦舉見有改轍之事即

募朕

看來亦係無用之物較之惠士奇尚覺稍有吏才

行陳

因年

羹虎當日再三奏具好處所以試用之也

奏實

不敢一毫欺罔上負

奏實

不敢一毫欺罔上負

皇上委任之至意即如柳國勲蒙

皇上由知府擢補驛鹽道實能竭力整理地方臣兩次  
路經楚省見其辦事急公不辭勞苦捐資煮賑百  
姓感激且柳國勲之祖於順治年間全家三十餘  
口殉難於山西柳國勲之父於康熙年間全家五  
十餘口殉難於江西每言及此事臣見伊涕淚交  
流淋漓慷慨必欲竭力報効

朝廷期無忝其祖父忠義之志是以臣於

陞見時即以其居官為人之處據實陳

奏今聞其為收受各項陋規尅扣驛站銀兩被叅臣  
不勝驚駭茲已蒙

皇上諭令湖廣督撫臣會同審理虛實自難逃

睿鑒但臣據柳國勲素日居官為人光景似不應有此  
負

恩之事或收受陋規等項亦係以公完公未必侵吞入  
己若果將此項銀兩入己則柳國勲不但深負

皇上弘慈亦且永墮伊祖父之家聲此等人留之何益  
祈

皇上嚴加重處以為天下不忠不孝者戒為此繕摺密  
奏伏乞

睿鑒謹

奏

朕亦不料其人竟至如此事結之後再看

同日又

奏為覆奏事竊臣齎摺家人回粵捧到臣奏報給還  
暹羅國米船被勒銀兩一摺奉有

硃批除臣俟阿克敦到廣之日欽遵傳

旨將此事根究明白奏

聞外又臣前奏阿克敦常賚於署廣東巡撫任內將粵  
海關銀兩帶去一摺奉

硃批行咨問二人明白回奏欽此臣隨欽遵行咨移詢  
去後除常賚處路遠尚未覆到俟其咨覆到日具

奏外其阿克敦處已據差役回稱不肯給發回咨只發名帖令其領回云回咨緩緩的從塘遞上寄去等語臣想阿克敦或因難以回答竟不給發回文臣無憑覆

奏但查伊等帶去關稅銀兩數目及繳收日期均取有管關書辦及管理關務廣州府知府張鎬的確憑証印文應否俟阿克敦到廣時將關稅銀兩一并傳



旨問明覆

奏臣未敢擅便伏乞

皇上睿鑒施行謹

奏

朕已有旨著將二人革職俱令來粵到日將此事一併  
審理具奏

同日又

奏為奏

聞事竊臣自閩回粵路經惠州府聞有礦徒聚挖即諭該府縣確查去後今據報稱歸善縣之白馬山石門仔山及永安縣之鐵嶂山俱有礦徒潛聚挖沙雖無擾害地方但紛聚多人自應驅捕臣隨嚴行該管文武帶領弁兵前往將首犯擒拏餘犯相機驅逐不致張皇併知會督提二臣飭捕今准督提二臣咨覆分遣將備帶兵查拏俟捕獲之日臣與督臣會商懲處并作何安頓外所有捕逐礦徒緣

由先行繕摺奏

聞謹

奏

知道。孔毓珣已奏聞矣。凡遇此等事件，斷不可姑息。因循而蹈隱諱之咎，此等陋習所關甚重。汝等封疆大吏，若稍見不透，則遺害非細。亟當竭力料理，更宜克詳克慎，倘輕忽從事，或致錯誤，較之草率塞責，尤其不可者也。

硃批諭旨卷九下